



KONTSEILUBURUA: Lexuri Ugarte Aretxaga

KONTSEILUKIDEA: Inés Vadillo Alzola

KONTSEILUKIDE-IDAZKARIA: Daniel Martínez Monge

Gasteiz, 2021eko otsailaren 9a

Aztertu da Gardentasunaren Foru Kontseilu honetan jaunak aurkeztutako erreklamazioa (NAN: ; jakinarazpenetarako helbidea: , ;eta helbide elektronikoa, jakinarazpena eskuragarri dagoela jakinarazteko).

### AURREKARIAK

**Lehenengoa.-** Espedientean dagoen dokumentaziotik ondorioztatzen denez, -----jaunak adierazi du 2020an Zerga Ikuskaritzako Zerbitzuari informazioa eskatu diola----- sozietate zibilaren (IFK: ) 2017ko lehen seihilekoko BEZaren itzulketaren egoerari buruz, sozietate horren ordezkari denez, eta orain arte ez zaiola eskatutako informazioa eman.

Horretarako, bere gestoriak erreklamatzailerari bidalitako zenbait mezu elektronikoa aurkeztu zituen, bai eta -----jaunak, -----ren ordezkari izanik, ogasun erregistroan otsailaren 5ean aurkeztutako idazkia ere.

**Bigarrena.-** 2020ko abenduaren 11n, Arabako Foru Aldundiko Erregistro Orokorrean erreklamazio bat aurkeztu zuen Gardentasunaren Foru Kontseiluan, Arabako Foru Aldundiko Zergak Ikuskatzeko Zerbitzuaren informazio faltaren aurka, eskatutako informazioa eskuratzeko asmo inplizituarekin.

.

### OINARRI JURIDIKOAK

1. Erreklamatzailerak egindako eskaerari dagokionez, aztertu behar da ea eskaerak betetzen dituen erreklamazio hori azaltzeko beharrezko diren betekizunak; izan ere, Gardentasunaren, herritarren parte hartzearen eta gobernu onaren otsailaren 8ko 1/2017 Foru Arauaren 35.5 artikulua arabera, oinarrizko legerian ezarrita daude, hau da, gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legean.



2. Nola eta Arabako Foru Aldundia den erreklamazioa aurkezten zaion erakundea, bat dator Gardentasunaren, herritarren parte hartzearen eta gobernu onaren otsailaren 8ko 1/2017 Foru Arauaren aplikazio eremu subjektiboarekin.

Beste alde batetik, bat etorritik 1/2017 Foru Arauan lehen xedapen gehigarrian eta Foru Gobernu Kontseiluaren otsailaren 21eko 5/2017 Foru Dekretuan xedatutakoarekin, Gardentasunaren Foru Kontseiluak, zeinari aurkeztu baitzitzaion erreklamazioa, badu foru erakunde horren gaineko eskumena.

3. Behin egiaztaturik erakunde erreklamatu Gardentasunaren 1/2017 Foru Arauari lotzen zaiola eta Gardentasunaren Foru Kontseiluaren eskumen subjektiboa, egiaztatu behar da, ondotik, ea baden egiaz informazio publikoaren eskaera bat, zeren eta, 1/2017 Foru Arauaren eta otsailaren 21eko 5/2017 Dekretuaren arabera, Kontseilu horrek ez baitu eskumenik bestelako auzirik aztertzeko.

Erantzuna ezezkoa da, Ogasun Erregistroan otsailaren 5ean aurkeztutako idazkia ezin baita informazio publikoa eskuratzeko eskaeratzat hartu, Gardentasunaren, herritarren parte hartzearen eta gobernu onaren otsailaren 8ko 1/2017 Foru Arauan; eta gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legean jasotakoaren arabera.

Hori horrela da 19/2013 Legearen lehenengo xedapen gehigarriak ("informazio publikoa eskuratzeko eskubidearen arauketa bereziak") honako hau adierazten duelako: "Abian den administrazio prozedura batean interesdun direnek prozedura hori osatzen duten agiriak eskuratzeari aplikatzekoa zaion araudia izango da, hain zuzen, dagokion administrazio prozedura arautuko duen araudia".

Ondorioz, administrazio espediente batean sartzen diren dokumentuak eskuratzeko aplikatu beharreko araudi erregulatzailerak zerga arlokoa da eta ez gardentasuneko, adierazten den bezala, abian den zerga arloko administrazio prozedura batean interesduna denarentzat.

Horregatik guztiagatik, Gardentasunaren Foru Kontseiluak, aho batez, hau hartu du:

### **EBAZPENA**

**Lehenengoa.** Ez onartzea                      jaunak aurkeztutako erreklamazioa Gardentasunaren Foru Kontseiluan Zerga Ikuskaritzako Zerbitzuaren jardun faltaren aurka,                      SC sozietate zibilaren 2017ko lehen seihilekoko BEZaren itzulketaren egoerari buruzko informazioari dagokionez.



Arabako Foru Aldundia  
Diputación Foral de Álava

**Gardentasunaren Foru Kontseilua**  
**Consejo Foral de Transparencia**

**Bigarrena.** Ebazpen honek administrazio bidea amaitzen du, eta beraren aurka, administrazioarekiko auzi errekurtsua aurkeztu daiteke Gasteizko Administrazioarekiko Auzietako Epaitegietan, bi hilabeteko epean, ebazpen hau jakinarazi eta hurrengo egunetik aurrera.

Lexuri Ugarte Aretxaga

**Kontseiluburua**

Inés Vadillo Alzola

**Kontseilukidea**

Daniel Martínez Monge

**Kontseilukide-idazkaria**